



UNIVERSITÄTS-
BIBLIOTHEK
PADERBORN

Avrea Gemma Christianorvm

Ruben, Leonhard

Paderbornae, 1604

III. Christus ductus in desertum 40. diebus ieiunans tentatur à Diabolo.

[urn:nbn:de:hbz:466:1-68313](https://nbn-resolving.org/urn:nbn:de:hbz:466:1-68313)

ebat. & cæt. Ioan. 29. 30. 31. 32. 33. 34. Altera die vidit Ioannes Iesum venientem ad se, & ait: ecce agnus Dei, ecce qui tollit peccata mundi. Hic est de quo dixi quia prior me erat, & ego nesciebam eum, sed ut manifestetur in Israël: propterea veni ego in aqua baptizans. Et testimonium perhibuit Ioannes, dicens: quia vidi spiritum descendentem quasi columbam de celo, & mansit super eum. Et ego nesciebam eum; sed qui misit me baptizare in aqua, ille mihi dixit: Super quem videris spiritum descendentem, & manentem super eum, hic est qui baptizat in spiritu sancto. Et ego vidi & testimonium perhibui, quia hic est filius Dei.

CAPVT III.

Christus ductus in desertum, 40. diebus ieiunans, tentatur à Diabolo.

FIGURAE. I. Dæmon in paradiso terrestri tentauit primos parentes vitio gulæ. Genes. 3. I. Sed & serpens erat callidior cunctis animantibus terra, qua fecerat Dominus Deus. Qui dixit ad mulierem: cur præcepit vobis Deus ut non comederetis de omni ligno Paradisi? Vers. 3. 4. 5. De fructu vero ligni quod est in medio Paradisi, præcepit nobis Deus ne comederemus: & ne tangeremus illud ne forte moriamur. Dixit autem serpens ad mulierem. Nequaquam morte moriemini: scit enim Deus quod in quocung; die comederitis ex eo, aperientur oculi vestri, & eritis sicut Di, scientes bonum & malum.

2. Ieiun-

2. Ieiunat Moyses 40. diebus, & 40. noctibus, dum est cum Domino. Exod. 24. 18. Ingressusq; Moyses medium nebulae ascendit in montem: & fuit ibi quadraginta diebus, & quadraginta noctibus. Ibid. 34. 28. Fuit ergo ibi (Moyles scilicet) cum Domino quadraginta dies, & quadraginta noctes: panem non comedit & aquam non bibit, & scripsit in tabulis verba fœderis decem. Deut. 9. 9. Quando ascendi in montem ut acciperem tabulas lapideas, tabulas pacti, quod pepigit vobiscum Dominus: & perseueravi in monte quadraginta diebus ac noctibus, panem non comedens, & aquam non bibens. Vers. 18. Et procidi ante Dominum sicut prius, quadraginta diebus ac noctibus, panem non comedens & aquam non bibens, propter omnia peccata vestra, quae gessistis contra Dominum, & cum ad iracundiam provocastis.

3. David solus cum superbo Goliath decertat. 1. Reg. 17. 48. 49. 50. 51.

4. Elias similiter est figura. 3. Reg. 19. 8. Qui cum surrexisset, comedit, & bibit, & ambulavit in fortitudine cibi illius quadraginta diebus & quadraginta noctibus, usq; ad montem Dei Horeb.

PROPHETIAE. Genes. 3. 14. 15. Et ait Dominus Deus ad serpentem: quia fecisti haec, maledictus es inter omnia animantia, & bestias terra: super pectus tuum gradieris, & terram comedes cum ceteris diebus vitae tuae. Inimicitias ponam inter te & mulierem, & semen tuum, & semen illius: ipsa conteret caput tuum, & tu insidiaberis calcaneo eius.

Psal. 139.

Psalm. 73. 14. Tu confregisti capita draconis: dedisti eum escam populis *Aethiopum*. Psalm. 90. 13 Super aspidem & basiliscum ambulabis, & concubabis leonem & draconem. Zach. 3. 1. Et ostendit mihi Dominus Iesum sacerdotem magnum stantem coram angelo Domini: & satan stabat à dextris eius. ut aduersaretur ei.

VERITAS. Matth. 4. 1. 2. 3. 4. 5. 6. 7. 8. 9. 10. 11. Tunc Iesus ductus est in desertum à spiritu, ut tentaretur à diabolo. Et cum ieiunasset quadraginta diebus, & quadraginta noctibus, postea esurit. Et accedens tentator, dixit ei: Si filius Dei es, dic ut lapides isti panes fiant. Qui respondens dixit: scriptum est, non in solo pane vivit homo; sed in omni verbo, quod procedit de ore Dei. Tunc assumpsit eum Diabolus in sanctam civitatem, & statuit eum super pinnaculum templi, & dixit ei: Si filius Dei es, mitte te deorsum, scriptum est enim: quia angelus suis mandavit de te, & in manibus tollent te, ne forte offendas ad lapidem pedem tuum. At illi Iesus. Rursum scriptum est: non tentabis Dominum Deum tuum, iterum assumpsit eum Diabolus in montem exelsum valde, & ostendit ei omnia regna mundi, & gloriam eorum, & dixit ei: haec omnia tibi dabo, si cadens adoraveris me. Tunc dicit ei Iesus: vade satana, scriptum est enim: Dominum Deum tuum adorabis & ipsi soli servies. Tunc reliquit eum Diabolus: & ecce angeli accesserunt, & ministrabant ei. Marc. 1. 12. 13. Et statim spiritus expulit eum in desertum. Et erat in deserto

ferto quadraginta diebus, & quadraginta noctibus,
 & tentabatur à Satana, eratq; cum bestijs, & ange-
 li ministrabant illi. Luc. 4. 1. 2. 3. 4. 5. 6. 7. 8.
 9. 10. 11. 12. 13. 14. Iesus autem plenus Spiritu san-
 cto regressus est à Iordane: & agebatur à spiritu
 desertum diebus quadraginta, & tentabatur à Dia-
 bolo. Et nihil manducavit in diebus illis, & consum-
 matis illis esuriit. Dixit autem illi Diabolus: si fi-
 lius Dei es, dic lapidi huic, ut panis fiat. Et respon-
 dit ad illum Iesus, scriptum est: quia non in solo pa-
 ne vivit homo, sed in omni verbo Dei. Et duxit
 illum Diabolus in montem excelsum, & ostendit il-
 li omnia regna orbis terræ in momento temporis, &
 ait illi: tibi dabo potestatem hanc universam, & glo-
 riam illorum: quia mihi tradita sunt, & cui volo do
 illa. Tu ergo si adoraveris coram me, erunt tua om-
 nia, Et respondens Iesus dixit illi: scriptum est: Do-
 minum Deum tuum adorabis & illi soli servies.
 Et duxit illum in Ierusalem, & statuit eum super
 pinnam templi, & dixit illi: Si filius Dei es, mitte
 te hinc deorsum; scriptum est enim quod angelus
 suis mandavit de te, ut conseruent te: & quia in
 manibus tollent te, ne forte offendas ad lapidem pe-
 dem tuum. Et respondens Iesus, ait illi, dictum est:
 non tentabis Dominum Deum tuum. Et consum-
 mata omni tentatione, Diabolus recessit ab illo, usq;
 ad tempus. Et egressus est Iesus in virtute Spiri-
 ritus in Galileam, & fama exijt per univer-
 sam regionem de illo.

* * *

CAPVT